

04.06.25
Maitua

Broj: 03-02-309-3/2025 EL
Sarajevo, 18.07.2025. godine

FEDERALNO MINISTARSTVO KULTURE I SPORTA
gđa. Sanja Vlasisavljević, ministar

Bosna i Hercegovina
FEDERACIJA BOSNE I HERCEGOVINE
FEDERALNO MINISTARSTVO KULTURE I SPORTA
FEDERALNO MINISTARSTVO KULTURE I SPORTA
SARAJEVO

Primljeno:	73-07-2025		
Org. jed.	Klasif. oznaka	Redni broj	Broj priloga
04	36-10	-3563	25

FEDERALNO MINISTARSTVO FINANSIJA/FINANCIJA
gosp. Toni Kraljević, ministar

Poštovani,

U prilogu Vam dostavljam Odluku o utvrđivanju kriterija i raspodjele ostatka dijela sredstava utvrđenih Budžetom Federacije Bosne i Hercegovine za 2025. godinu Federalnom ministarstvu kulture i sporta sa ekonomskog koda „Kapitalni transferi drugim nivoima vlasti i fondovima – Izgradnja, adaptacija i rekonstrukcija sportske infrastrukture“ V. broj: 1225/2025 od 17.07.2025. godine, koju je Vlada Federacije Bosne i Hercegovine donijela na 226. hitnoj sjednici održanoj 17.07.2025. godine.

S poštovanjem,



SEKRETAR VLADE

dr. sci. Edita Kalajdžić

Prilog: Kao u tekstu

Na osnovu člana 33. stav (1) tačka o) i stava (3) Zakona o izvršavanju Budžeta Federacije Bosne i Hercegovine za 2025. godinu („Službene novine Federacije BiH“, broj: 7/25), Vlada Federacije Bosne i Hercegovine na prijedlog Federalnog ministarstva kulture i sporta, na 226. hitnoj sjednici, održanoj 17.07.2025. godine, donosi

ODLUKU
O UTVRĐIVANJU KRITERIJA I RASPODJELE OSTATKA DIJELA SREDSTAVA
UTVRĐENIH BUDŽETOM FEDERACIJE BOSNE I HERCEGOVINE ZA 2025.
GODINU FEDERALNOM MINISTARSTVU KULTURE I SPORTA SA EKONOMSKOG
KODA „KAPITALNI TRANSFERI DRUGIM NIVOIMA VLASTI I FONDOVIMA -
IZGRADNJA, ADAPTACIJA I REKONSTRUKCIJA SPORTSKE INFRASTRUKTURE“

I.

Ovom odlukom utvrđuju se kriteriji i raspodjela ostatka dijela sredstava utvrđenih u Budžetu Federacije Bosne i Hercegovine za 2025. godinu („Službene novine Federacije Bosne i Hercegovine“ broj: 7/25), na razdjelu 52 glava 5201, ekonomski kod 615100 - „Kapitalni transferi drugim nivoima vlasti i fondovima - Izgradnja, adaptacija i rekonstrukcija sportske infrastrukture“, u iznosu od 16.000.000,00 KM.

II.

Sredstva u iznosu od 16.000.000,00 KM iz tačke I. ove odluke dodijeliće se opštinama, gradovima, kantonima za finansiranje/sufinansiranje projekata/zahtjeva/inicijativa koji se realizuju u 2025. godini u kantonima, gradovima i opštinama.

III.

Sredstva iz tačke II. ove odluke bit će dodijeljena opštinama, gradovima, kantonima za finansiranje/sufinansiranje projekata/zahtjeva/inicijativa iz sljedećih oblasti:

- a) objekti sportskog karaktera (sportske dvorane, fudbalska igrališta, bazeni itd.),
- b) komunalna infrastruktura sportskih objekata (vodovod i kanalizacija, energetske i komunikacione mreže, plinske i niskonaponske mreže itd.) i
- c) ostali sportski objekti od značaja za kantone i opštine (otvoreni sportski objekti, atletske staze, teniski tereni i druga sportska borilišta).

IV.

Raspodjela ostatka dijela sredstava kapitalnog transfera utvrđenog ovom odlukom vršiće se u skladu sa opštim i posebnim kriterijima.

Kriteriji za raspodjelu dijela sredstava podijeljeni su na opšte i posebne:

Opšti kriteriji:

1. čitko (elektronski) popunjena, potpisana i ovjerena prijava na Javni poziv na obrascu koji je dostupan na web stranici Federalnog ministarstva kulture i sporta;
2. jasno i realno opisan cilj navedenog projekta;

3. razrađen budžet za navedeni projekat;
4. ovjerena izjava da je, odnosno da će sredstva biti utrošena za projekte koji se realizuju u 2025. godini.

Uslovi iz opštih kriterija su eliminatorni.

Posebni kriteriji za raspodjelu ostatka dijela sredstava programa kapitalnog transfera - mjerljivost:

1. izjava o sufinansiranju sa dokazima - ako je riječ o sufinansiranju;
2. potvrda/preporuka o prethodnoj/prethodnim fazama realizacije projekta od finansijera /sufinansijera;
3. projektno-tehnička dokumentacija - glavni projekat ili izvedbeni prijedlog projekta ili idejni prijedlog projekta;
4. zrelost projekta - osigurani uslovi za realizaciju projektnih aktivnosti, građevinska ili urbanistička dozvola;
5. jasan, realan i izvediv vremenski plan radova u skladu sa stanjem objekta;
6. izjava ovlaštene osobe o uticaju projektnog prijedloga na razvoj lokalne zajednice;
7. ugovor sa izvođačem radova ili ponuda izvođača radova;
8. namjena sportskog objekta, terena, igrališta, bazena;
9. fotodokumentacija objekta za koji se aplicira;
10. doprinos projekta kvalitetu života u lokalnoj zajednici i Federaciji Bosne i Hercegovine;
11. kvalitet projekta.

Br.	NAZIV PROGRAMA	SVRHA PROGRAMA	Organizacija – primalac	Iznos
1.	2.	3.	4.	5.
1.	Kapitalni transfer drugim nivoima vlasti i fondovima - Izgradnja, adaptacija i rekonstrukcija sportske infrastrukture	Izgradnja, adaptacija i rekonstrukcija sportske infrastrukture	Opština/grad/kanton	16.000.000,00KM
UKUPNO:				16.000.000,00KM

V.

Vlada Federacije Bosne i Hercegovine će stupanjem na snagu ove odluke, objaviti Javni poziv za podnošenje prijava za finansiranje/sufinansiranje projekata/zahtjeva/ inicijativa iz tačke III. ove odluke.

Tekst Javnog poziva sa kriterijima utvrdiće Vlada Federacije Bosne i Hercegovine i isti će biti objavljen na web stranici Vlade Federacije Bosne i Hercegovine i u dnevnim novinama.

VI.

Vlada Federacije Bosne i Hercegovine formiraće Komisiju koje će utvrditi formalno-pravnu ispravnost projektnih aplikacija i izvršiti bodovanje te na osnovu toga sačiniti bodovnu listu korisnika koji su ispunili uslove Javnog poziva. Listu će Komisija, sa zapisnikom, dostaviti Federalnom ministarstvu kulture i sporta. Federalno ministarstvo kulture i sporta će na osnovu bodovne liste iz stava (1) ove tačke sačiniti Prijedlog odluke o izboru korisnika sredstava i dostaviti Vladi Federacije Bosne i Hercegovine na razmatranje i donošenje.

VII.

Vlada Federacije Bosne i Hercegovine će Odlukom o izboru korisnika sredstava utvrditi konačne iznose sredstava koji će se doznačiti pojedinim opštinama, gradovima, kantonima iz tačke II. ove odluke, dinamiku doznačavanja, te način izvještavanja o utrošenim sredstvima.

VIII.

Federalno ministarstvo kulture i sporta će nakon što se donese konačna Odluka o izboru korisnika, sredstva prenijeti na račun korisnika sredstava odobrenog projekta koji je dužan opravdati sredstva realizovanih projekata najkasnije do 31.12.2025. godine.

IX.

Korisnici sredstava su obavezni dodijeljena sredstva koristiti isključivo namjenski i dostaviti izvještaj sa kompletnom dokumentacijom kojom se dokazuje namjenski utrošak sredstava na način i u roku koji će se regulisati ugovorom s Federalnim ministarstvom kulture i sporta.

X.

Federalno ministarstvo kulture i sporta - Federalno ministarstvo kulture i športa vršiće kontrolu namjenskog utroška odobrenih sredstava. Kontrola će se vršiti na osnovu dostavljenih izvještaja korisnika, a po potrebi i neposredno kod korisnika sredstava.

XI.

Za realizaciju ove odluke zadužuju se Vlada Federacije Bosne i Hercegovine, Federalno ministarstvo finansija i Federalno ministarstvo kulture i sporta, svako u okviru svoje definirane nadležnosti.

XII.

Ova odluka stupa na snagu narednog dana od dana objavljivanja u „Službenim novinama Federacije BiH“

V. broj: 1225 /2025
17.07.2025. godine
Sarajevo



PREMIJER
Nermin Nikšić

BOŠNJA HERCEGOVINA
FEDERACIJA BOSNE I HERCEGOVINE

V L A D A
Sarajevo

03-09-340-2/2025

03-09-308-3/2025



0,055

POŠTOM PLAĆENA
K 78 POŠTE
71121 SARAJEVO

22-07-2025

Julij



FEDERALNO MINISTARSTVO
KULTURE I SPORTA
Ul. Obala Maka Dizdara br. 2
71000 Sarajevo